





駿文忠公長次郎

巻十八



再臣荷

聖恩畀以兼圻重寄現川省當糜爛之後急圖補救之方當以振興吏治整頓營務寬籌餉需勦除賊匪四者爲要而振興吏治又爲籌餉之本整頓營務又爲勦賊之本則四者之中尤當以此二者爲先蜀省吏治營務之壞積之已數十年至今日而無以復加臣率師入蜀已逾半載習聞官紳士民之論僉謂吏治壞於藩司祥奎營務壞於督標中軍張定川不急去此兩人則諸事無從整理臣伏查祥奎不識政體又以貪鄙



濟之履任六七年賄賂公行聲名狼籍不肖守令相率出入其門鑽刺夤緣無所不至由是州縣優缺署理者居其大半軍興以來餉項乏缺輒借口軍需以供其圖索於是缺分之委署有費軍功之保舉有費防堵之報銷有費復聽信幕友家丁肆其訛索川省近年每地丁銀一兩加津貼一兩祥奎因軍餉支絀又於津貼之外每兩加派銀五兩名爲按畝捐輸地方官旣奉嚴檄日務敲撲追比百姓怨痛旣深輒復聚衆相抗而渠縣廣安達縣巴州營山東鄉南江通

江各州縣遂至圍城大鬪數日始解卽此任意苛派激成事端亦實不稱藩司之任况州縣旣以賄得牧令多與私交欲期吏治澄清何由施其懲勸此吏治之病在本源者也張定川狡獪刁詐復以柔佞濟之由督署巡捕保至副將署中軍缺十餘年前任督臣鮮不受其欺蔽通省武官多受其籠絡省城要職非其義子門生卽其親信厚善之黨督署內外遍置私人一動一言皆所周悉由是勢傾等輩權重一時始或通徑竇以獻其佞諛繼且倚權勢而行其要挾歷

馬之思公奏稿卷三  
任督臣因其黨羽之盛亦遂熟視而莫可如何  
故年已七旬猶復戀棧軍興以來兼管製造軍  
裝帳棚鎗炮火藥各項諸多不實當事者明知  
其侵吞而莫敢指言其非既相容隱以釋其嫌  
更加保獎以悅其意今該副將既加總兵銜其  
子張廷奎亦保陝西候補知府如張正倫戴廷  
超劉華之類皆其私人均任城守遊擊都守各  
要缺聲勢顯赫家資遂累鉅萬此營務之憂在  
腹心者也臣荷

聖主特達之知當西郵艱難之會若仍稍事姑容則  
蜀事決無起色若欲力期振作保此富饒之區  
非先去此兩人實屬無從下手反覆籌畫既歷  
旬時用敢疏陳該二員劣蹟伏求

聖斷布政使司祥奎應請


旨即行革職永不叙用以示懲警總兵銜署督標中  
軍副將張定川應

旨革職拿問所有川省吏治營務廢弛先圖整頓緣  
由理合附片密陳伏乞

皇上訓示施行謹

奏

呈土賜示誠言



奏為遵

旨查明據實覆

奏仰祈

聖鑒事竊臣於八月十三日在潼川府城承准軍機

處贊襄政務王大臣字寄咸豐十一年七月三

十日奉

上諭據福濟奏崇實自署任川督接辦軍務毫無布

置聽賊奔竄民間有從此爛之謠又安坐衙齋未

出省門一步軍情大事悉委私人使貪功冒餉之

徒濫竽省會陷陣衝鋒之將銜恨置場占泰轉戰

至羅江屬之皂角舖被賊圍困該署督擁兵不援  
以至遇害又於堅守孤城戰功疊著者吝而不賞  
於安居省城未經行陣之人則不次獎擢以致將  
士解體遇委署州縣各缺該署督必面較錙銖縣  
丞徐萬有侵吞公項囊卷回籍被古城紳團阻留  
松潘番夷滋事將及一年該文武困守危城以血  
書求救崇實視同秦越不發一兵致建昌猺夷復  
出巢搶掠道路爲之不通各等語駱秉章現已行  
抵潼川於川省一切吏治軍情見聞較確著即將  
福濟指叅崇實各款詳晰查明據實具奏毋稍迴

護福濟原片著抄給閱看將此由六百里諭令知  
之欽此臣自抵川境凡有關吏治軍情皆隨時訪  
察茲奉

飭查福濟指叅崇實各款謹將見聞所及據實陳奏  
原奏藍孝二逆擾亂蜀境其初不過一隅崇實  
到任之始毫無布置聽其奔竄民間有從此爛  
之謠一款查滇匪竄入川境其始不過數百人  
前署督臣有鳳漫不經意以致竄入內地裹脅  
日衆地方已多遭蹂躪迨署督臣曾望顏接辦  
苦無得力兵勇賊勢益張及調楚軍七千餘人

到川統將蕭啟江旋即病故兵無統領又自井  
研一捷之後分爲三營事權不一謀畧不定故  
雖屢有擒斬卒未能痛挫凶鋒崇實接辦之時  
賊勢蔓延已廣勢亦難於兼顧而川勇習染太  
深實非一時所能振作是川省數十州縣之慘  
遭荼毒實由有鳳不及早辦理所致尙非崇實  
有以致之也原奏稱督臣安坐衙齋未出省門  
一步軍情大事悉委私人使貪功冒餉之徒濫  
竽省會陷陣衝鋒之將銜恨曷場占泰轉戰至  
羅江屬之皂角鋪被賊圍困督臣擁兵不援以

至遇害一款查藍李分擾川南川北皆距成都  
不遠省城根本重地調兵籌餉辦理防守事宜  
皆須居中調度自不能遽出省門一切局務亦  
須派員管理所指悉委私人亦無實據本年三  
月崇實派前提臣占泰帶兵剿辦潼川賊匪一  
出省門即駐漢州並未赴潼三月二十一日潼  
圍已解藍逆圍攻綿州占泰統帶兵勇萬餘駐  
紮羅江之皂角鋪並無由潼川解圍轉戰而至  
羅江之事五月十八日占泰遇害聞是時賊來  
不多兵即潰散是占泰被擒事起倉卒並非迭

次請援督臣置若罔聞也原奏軍營保舉所以待有功督臣於堅守孤城戰功疊著者吝而不賞於安居省城未經行陣之人則不次獎擢以致將士解體一款查軍營保舉所以激勵將士最關緊要向來隨摺保獎每擇該營尤為出力者先行奏請其餘出力員弁兵勇由各營查明開單請保臣尚未赴省其未經行陣之人而不次獎擢者無由查晰惟據湘果營送來本年攻剽牛腹渡賊巢一案文札此次之捷湘果營出力尤多該營止保胡中和蕭慶高何勝必三員


其餘員弁是否隨後查明保奏尙未可知而軍心之冀望甚殷故滋物議原奏委署州縣各缺該署督必面較錙銖縣丞徐萬有侵吞公項囊卷回籍被古城紳團阻留一款查委署州縣各缺向由藩司揀員詳委俟督院批准後始飭該員赴任四川吏治之壞臣在湖南即有所聞及抵川境即聞優缺助餉三千次缺助餉二千又次缺助餉一千始行委署以致在省需次各員夤緣營鑽無所不為及至履任腴削民膏自所不免署平武縣縣丞徐萬有侵吞公項囊卷回


籍被古城紳團阻留實有其事殊屬不成政體  
至云該署督面較錙銖以臣所聞川人議論多  
歸咎於藩司祥奎而於崇實尚無怨詞原奏松  
潘番夷滋事將及一年文武困守危城以血書  
求救崇實視同秦越不發一兵致建昌猺夷復  
出巢搶掠一欸查松潘番夷上年九月滋事至  
今將及一年署督臣因兵餉兩絀力難兼顧近  
聞松潘廳七月初間業已失陷該廳文武不知  
下落并聞該夷已竄至茂州界上旋即退回臣  
未准署督臣來咨又未接該地方稟報俟抵省  
後再行妥籌辦理以上各款謹就臣所訪察詳  
晰據實覆

奏伏乞

皇上聖鑒訓示謹

奏





奏為恭報

微臣

接篆日期叩謝

天恩仰祈

聖鑒事

臣

於八月十四日在潼川府城欽奉

諭旨補授四川總督當即專摺叩謝

天恩茲

臣

由潼川府起程九月十三日行抵四川省

城准署督

臣

崇實於九月十五日委員齎送四

川總督關防並

王命旗牌及一切文卷前來當即恭設香案望

闕叩頭祇領任事伏念

臣

才本庸愚識尤淺陋迺

仰沐

聖主逾格


恩施畀以兼圻重任撫衷循省時切悚惶查四川幅員遼廣凡察吏安民之要練兵弭盜之方事事皆關緊要現在滇氛未靖一切防剿機宜尤須悉心籌畫臣惟有竭盡愚誠實力實心認真經理不敢稍涉因循以期仰報微臣高厚鴻慈於萬一所有接篆日期及感激下忱


謹繕摺叩謝

天恩伏乞

皇上聖鑒謹

奏





奏爲官軍追剿眉州李逆巨股連獲大捷攻破賊  
營百餘座眉城業已解圍餘賊竄往青神現籌  
剿辦事宜恭摺奏

聞仰祈

聖鑒事竊臣前於各軍剿辦畧坪股匪追擊藍逆餘  
黨殘匪敗趨丹稜竄合眉州李逆巨股及籌派  
大軍分途進剿布置大概情形業經

奏明在案臣自九月十五日抵省接篆後查悉眉

城形勢東阻府河西接丹稜南通青神北連彭  
山即爲由省城赴眉之路其西南靠城一帶如

象耳寺快活山柰巴石以至黃中埧張家坎等處均爲逆賊盤踞而府河東岸之王家場洪廟場麻衣觀一帶亦爲逆首卯得懋率黨環布又復擾及北路扼斷米糧出入之道而丹稜一路由東館東瓜場思濛場以至蓮花場一帶青神一路由黑龍場洪化堰以至張家坎李家碾一帶賊營聯屬百餘里復萃精悍死黨於虎皮塘松江口五里山并靠松江口之鐵門坎石灰窰闌漢嶺各處分列要隘或於山上築壘或就民房立營皆重塹深濠至爲堅固距松江口三里

過雙鳳橋爲劉家祠堂環列八大營背山繞河

李逆踞焉地勢賊情惟此爲腹心要害之區欲

解眉圍宜先從西路進剿然後直搗中堅則首

尾衝決餘可不攻自潰臣因檄派湘果左軍提

督銜建昌鎮總兵胡中和中軍記名總兵蕭慶

高右軍記名總兵何勝必率所部六千餘人由

崇慶州拔營取道將軍廟多悅鎮進紫順和場

并檄果毅營留川補用知府曾傳理率所部三

千餘人護軍營留川補用同知直隸州知州劉

德謙率所部二千餘人督同副將朱桂秋彭泰

和及已革參將侯光裕等三營由彭山進紮金魚山悅興場一帶俾與湘果各軍聯絡聲勢并飛咨署提臣蔣玉龍轉飭參將柏昌懷遊擊陳天柱督帶所部川兵移紮秦家墩石橋子醕美場各處專辦藍逆餘黨俟楚軍定期進搗眉州賊壘該將等即同期出隊由萬盛場進搗丹稜以相牽綴而斷李逆之援并飭派撥各軍嚴防該逆回竄蒲邛之路翼將兩逆逼歸一處以收聚殲之功然慮該逆被剿既急又將東渡府河竄往井研擾及富榮各屬井陘之地則益蔓延

不可收拾爰檄已革副將唐友耕率所部四千餘人及統帶奇勝軍總兵黎德盛率所部二千餘眾由太和場渡河進剿紅廟場王家場賊壘而飭管帶水師候補知縣陳紹惠率所領砲船由玻璃江下駛擇地駐泊與黎唐陸軍相爲依護俟楚軍抵眉後即由王家場水陸會合斷賊浮橋焚賊所擄民船以扼其渡河東竄之路布置既定唐友耕由邛州引軍先至維時陳天柱等尙未移營因相與會商於十月初一日黎明各派八成隊直撲張鞍子賊壘該逆遽出抵拒

鎗砲對轟斃賊多名逆賊不支紛紛驚退我軍奮勇跟追當將張鞍子逆壘踏平快活山之賊方出救應唐友耕奮勇當先直抵山下呼聲雷動勇丁賈勇齊進斃賊約數百名該逆抵敵不住旋即敗潰我軍一湧而前立將賊營數座踏毀候補同知直隸州蹇閻亦率彭山團勇趕到并力夾擊將快活山中路賊營一併踏平而遊擊潘治平與叅將陳祥興等因見唐友耕等進剿得手亦各率所部分攻奈巴石象耳寺兩處賊壘各有斬獲各軍收隊後該逆遂併歸象耳

寺此初一日唐友耕等攻破快活山之實在情形也初四五日湘果護軍果毅各營陸續畢集該逆聞楚軍大至旗鼓蔽野由是將府河東岸紅廟場麻衣觀之賊悉調歸河西退踞張家坎黃中埧等處而象耳寺之賊亦於初五夜自焚其壘退踞松江口一帶仍爲并力死拒之謀是夜劉德謙率護軍營紮駐眉州城西之普照寺四更後望見南路火起知該逆焚巢宵遁當即傳諭各營爲跟踪追剿之計初六日移營逕趨城南忽接探報關墳埧黃中埧逆黨均皆退走

陳祥興之勇已出隊前追劉德謙知賊勢方盛特佯退以誘我軍爲埋伏包抄之詭計急飭各營就地紮營一面派隊排列以防該逆衝突布置甫定陳勇已紛紛奔退賊衆追至旗幟與陳勇相亂驟難辨別既追近桂泰裕三營該將弁等一齊擁出鎗轟矛戳賊始潰奔劉德謙督同朱桂秋姚美侖侯光裕彭泰和等分三路追剿將近黃中埧見該處水田深陷樹木星列正在遲疑忽見左右民房伏逆齊出旗幟林立我軍以地勢不便進兵連環收隊賊復吶喊緊追既

近關墳埧之三橋地勢平衍我軍回馬衝撲十餘次賊猶屹立不動各將振臂大呼勇丁戰氣百倍左路姚美侖匹馬當先朱桂秋從河岸抄入往來馳驟斬馘甚多而泰裕兩營偏在右路賊以悍黨包抄彭泰和侯光裕兩將連環衝擊斬獲騎馬賊目二名鎗斃悍賊三四十名賊即擁退左旂叅將劉義成右旂叅將易榮華各率弁勇分左右刺斜抄出劉德謙自督中營衝陣士卒爭先鎗矛奮入計斃賊四五百名奪獲旂幟六十餘監該逆紛紛潰退我軍追過黃中埧

小橋里許將所踞民房縱火燒燬始各收隊而還民房中積谷萬計牛畜無數概付一炬此初六日劉德謙追剿黃中堪之實在情形也是日湘果營由順和場拔營進趨象耳寺忽據探報逆日何螞蟻子與劉逆婦共率二萬餘衆由萬盛場東館竄踞東瓜場意圖抄我後路初八早藍逆復遣花旗賊三四千馬隊數百匹由丹稜來與合併胡中和等方謀會剿松江口等處賊巢而慮該逆之襲其後也亟函告會傅理劉德謙期先勦此股而後會師初九日黎明各派六

成隊胡中和督隊由左路白家冲龍托子光地山進蕭慶高督隊由中路葉廟子觀音寺白鶴嶺曠山塢進何勝必督隊由右路白馬鋪樅林觀進均距東瓜場二十餘里未至三四里許中阻小河賊匪萬餘人先過河據田壠排列陣勢施放鎗礮胡中和壓住隊伍俟鎗礮稍息即揮劉喜益劉景春唐應聘李季昌等從礮煙中衝入斬馘一千餘名該逆紛紛逼向河邊淹斃不少我軍涉淺水窮追忽林內援賊突至適蕭慶高督隊趕到飭令蕭德經楊耀關蕭長青曾克

勝等攔腰截擊何勝必亦督同唐鳳輝蕭友章  
彭基品廖連堃等繞過山脊從後路包抄三面  
環攻鎗轟矛刺復斃賊二千餘名餘匪竄往東  
瓜場我軍追抵場口賊恃卡抗拒我軍連放劈  
山大砲擡鎗繼之立斃賊一二百人遂破卡擁  
進場內拋擲噴筒火彈且焚且殺斃賊無算追  
至李子橋龍興場方共收隊還營不料李逆遣  
悍黨萬餘由松江口等處飛撲來援都司銜儘  
先守備蕭仁達奮勇接戰中鎗撲地胡中和怒  
馬衝鋒殺入賊陣逆賊環刺一矛穿破腮下喉

際猶復忍痛揮大刀手刃數賊蕭慶高何勝必  
亦督隊分兩路夾擊斃賊二三千名陣斬黃衣  
賊目數名生擒僞都統蘇幗凍等七名追剿十  
餘里全勝而歸此初九日胡中和蕭慶高何勝  
必等剿平東瓜場之實在情形也十月十一日  
各軍會剿之期馳南預商黎得盛唐友耕會合  
水師礮船由河東王家場進攻張家坎以湘果  
營由虎皮塘進剿徐家冲吳公堡皆從右路包  
抄而來果毅營由黃中埧渡河逕進以攻松江  
口老巢護軍營督同桂泰裕三營由關墳埧進

趨缺門坎石灰窰皆從左路遠遶而至約俟松江口得手即乘勢併力夾攻均於黎明分路出師屆期湘果營由華陽寺白家冲前進行七八里甫近插旗山瞥見賊旂隱約樹林間蕭慶高即飭楊耀關等率隊前進搜殺伏賊數百名該逆直向徐家冲敗走何勝必由觀音橋繼至令彭基品率新後隊先伏樹林以牽制吳公堡龍興塲之賊是時果護各軍已至松江口與賊接仗而徐家冲高山賊壘出賊七八千排列田岸胡中和以帶傷不能督陣令劉景春代將以行

維時松江口之賊被勦窮蹙意圖竄合徐家冲股內經劉景春劉喜益率隊截擊賊復竄回遂與果護各營一同會剿唐應聘李季昌率隊與蕭慶高直抵徐家冲該逆鎗砲環轟我軍衝入斃賊千餘何勝必率唐鳳輝蕭友章廖連莖等先後馳至三面齊攻殲斃逆匪千餘名餘盡奔逃上山歸壘我軍直追至壘外該逆伏匿不出開放鎗炮抵禦各將弁猛攻數次無如山險樹稠石卡重重而吳公堡之賊數千復由後路抄出經各隊勦殺過半仍行敗回是時劉景春劉

喜益已會同果護各軍將松江口偽帥營焚燒踏平各壘即率隊回攻徐家冲曾傳理亦分派左中後三營前來助戰奈逆匪踞險堅伏當將附近村舍伏賊搜殺數百名酉刻收隊共斃賊四五千名生擒逆目周兩新等四名正法奪獲旗幟器械多件而果毅營行至半途據探勇回稱松江口大場橫枕河岸賊踞長橋設卡列炮以拒西岸沙洲長數里環以土城守賊萬餘實據負嶼之勢曾傳理察悉情形乃分前營副將曾志友左營副將賀連級副中營都司賀湘輝等三營由上游象耳寺山尾渡河沿西岸直下以襲其壘而自督右營叅將熊英豪後營副將賀長春正中營叅將丁九祥等三營逕前奪橋戰經時該逆扼橋死拒不退適曾志友等率師自西岸掩至賊大驚亂遂奪橋湧進壘賊皆退入場我軍奮力衝入縱火焚之賊大奔我師分道跟追連破二十餘壘至雙鳳橋即李逆巢窟所在壘愈多而賊愈聚各處悍黨又皆奔救維時湘果營由右路進剿賊勢悉趨而左果毅右營與護軍已攻至李家碾河邊賀連級賀長春

丁九祥各營皆分途追擊相離較遠惟曾志友  
賀湘輝兩軍獨當此路勢不能支曾傳理急令  
力截雙鳳橋而飛調湘果副左營劉喜益與本  
部各營各勦相持半時各營陸續奔赴乃逕攻  
其大營賊用鎗礮環擊飛鎗如雨猛銳之士帶  
傷者先後相繼幾次退却賊見我軍單薄又復  
衝橋而出我軍併力回撲賊復反奔遂趁勢緊  
追過橋賊奔八大壘我軍隨後直奪壘門同聲  
一呼響震山谷賊閉門無及我軍之精銳搶入  
壘中者已十餘人投以火包賊棚焚火大起亥

3

逆悉奔後壘門我軍逕入劉家祠堂得李逆之  
婦戮之縱火燔其祠並焚其硝藥局數萬斤火  
力暴發煙焰蔽天賊大敗此營破而各營望風  
皆潰復分途跟剿沿途所破營壘大小以百計  
斃其僞都統周韓平段等五人追至五里山賊  
悉登山以拒山頭僅三大營而地勢陡絕又隔  
小溪惟單橋可渡賊悉銳據守我軍奮勇衝擊  
始奪橋直撲其壘而礮石紛飛賊復眠棚漬水  
投以火具皆不得著循環攻擊猛撲十餘次直  
薄壘門皆負重傷而返護軍營之進攻鉄門坎

也督同桂泰裕各營分兩翼從河岸進劉德謙自率所部由黃中埧大路進離賊巢約四里許諸將列隊分伏附近樹林之中而各率親兵數名悄近賊壘探明地勢溪澗深澗賊營密布其大路可通人馬往來者均置卡門安設大炮賊蟻聚屹立不動其勢不便逕進乃爲潛師分襲之計適湘果毅各營從松江口帶帶攻剿吶喊炮聲並震彭太和繞從河水淺狹處潛涉侯光裕沿河掃進朱桂秋暗從石灰窑抄入賊壘姚美倫易榮華傍果毅軍之左亦涉水飛渡同時衝入賊隊之中該逆倉皇四顧不知我軍從何而至姚美倫左衝右突焚燒多壘追逐一穿紅繡衣賊目幾就擒獲忽見後路賊隊擁出彭太和奮力截衝朱桂秋侯光裕左右包抄各斬獲繡衣騎馬賊目多名伏屍滿地劉德謙自督左旂中營原爲兩路策應適見果毅軍衝入劉家祠堂李逆老巢賊黨林立慮其分股旁竄即督隊從劉家祠左畔湧進與果毅軍互相夾擊而飭左旂劉義成縱焚各壘四面煙火衝天賊仍拚命抵戰我軍左右環擊該逆圖竄河岸不

知其戰船已爲官軍水師所奪，黎得盛之勇亦從東岸淺水涉渡，截殺賊逆，盡數淹於河中。李逆僅以身免，逆母棄輜奔竄，刺死田間，僞帥張裕仁、悍目王仁發等及逆黨死者萬計，奪獲鎗炮刀茅、僞印火藥等項，不計其數。而奇勝軍總兵黎得盛等既接十一日會攻松江口賊匪之報，當卽與唐友耕、陳紹惠等籌商查探賊船，均在西岸其沙洲間紮有水寨，恃爲救護。如我軍攻剿，旣急，勢將駕船東竄。黎得盛先派副將黎得亮、叅將王其發、唐友耕亦派守備劉萬春把

總姜明星、馮治等各帶勇丁馳赴石佛寺埋伏，攔河截剿。又派叅將秦飛雄、都司羅山壽、李孝弟外委羅升俊、劉芳春等帶隊先赴太平場以遏該逆。下竄，黎得盛親督叅將熊明良等在李家營對岸排列，唐友耕督同千總唐大有守備馬國良、張占鰲、耿得勝、龔定國等在張家坎對岸堵禦。陳紹惠排列炮船預備策應，並伺隙攻剿。水營嚴陣以待，旋見隔岸烽烟四塞，鎗炮震撼，探知湘果各軍已在松江口李家碾一帶得手。該逆等同向張家坎狂奔，黎得盛、唐友耕各

飭所部鳧水過河直抵沙洲先攻該逆水寨鎗  
炮齊施陳紹惠指揮炮船連環轟擊將水寨逆  
匪一千餘名盡數殲除生擒二百餘名卽就河  
岸正法並奪獲偽印及鎗炮旂幟多件賊見水  
陸營寨俱失各刺船順流下竄我軍催督炮船  
跟追黎得亮劉萬春等見上流賊匪蜂擁下駛  
卽率伏兵同時並起攔河邀擊該逆見大兵阻  
截遽棄船向西岸奔逃我軍由淺水過河拋擲  
噴筒火蛋將賊船焚燒陳紹惠趕至同時奪獲  
逆匪炮船二十八隻民船一百六十三隻大小

炮位三十餘座殺死燒斃賊匪四五百名餘俱  
撲河溺斃無得脫者水陸各軍旣皆收隊回營  
方謀預備攻具期於次日復進旋據探報該逆  
經我軍大加撻伐之後心胆皆落所有徐家冲  
五里山張家坎黑龍場蓮花場思濛場各處之  
賊均於是夜棄隘潛遁退竄青神臣原擬飭派  
各營乘勝跟剿以圖聚殲而策全功惟查藍逆  
一股尙踞丹稜與青神李逆實相犄角雖相據  
僅九十里而由象耳寺白馬舖以至東館伏龍  
場一路均無防兵我軍若赴青神則西路空虛

仍慮其竄入眉彭以襲我軍之後川軍圖剿藍  
逆久未得手不得不仍籍楚軍之力臣已飛檄  
唐友耕一軍移駐眉南洪化堰使牽綴李逆制  
其渡江東竄之謀而飭湘果果毅護軍各營拔  
赴丹稜會同署提臣蔣玉龍全部務將藍逆一  
鼓剿除以孤賊勢而絕外援然後還軍會剿青  
神將李逆此股殲滅盡淨以紓

聖慮伏查十一日之役鏖戰竟日各營將士傷而猶  
鬪退而復進率能以少勝衆痛挫兇鋒周遭攻  
剿三十餘里踏破賊營一百餘座殺斃燒斃溺

斃之賊近三萬人奪獲槍砲刀矛等件不可數  
計眉城業已解圍實屬著有勞績所有官軍進  
勦眉州連獲大捷州城解圍及現籌勦辦情形  
理合恭摺由驛馳

奏伏祈

皇上聖鑒訓示施行謹

奏

三

再李逆前圍眉州時分遣其黨在刀刀周躡子  
及朱曹張郭卯姓各逆目分擾重慶資州瀘州  
各屬業於前次奏明在案嗣值臣派楚軍進搗  
眉州老巢卯逆一股即由太平場竄合李黨而  
王周各逆遂各分擾銅梁璧山永川大足等縣  
經署重慶府知府張庭樺督同璧山縣知縣張  
煥祚等率領鄉團隨處堵剿時獲小勝臣復檄  
飭候選知州顏佐才率黔勇三千餘名前往剿  
辦該逆旋竄合州署川東道趙友泰隨亦馳往  
督剿朱逆旋竄定遠擾近南充岳池廣安各州


縣王周曹張各逆亦復陸續竄往臣復檄派候  
選道張由庚率所部嚮導營千四百餘人馳往  
截剿而逆踪飄忽東西靡定嚮導營兵力太單  
不敷分布查楚軍撥攻丹稜分堵青神東岸者  
僅萬餘人以當李藍兩股十萬之眾實屬無可  
抽撥川中兵勇雖多究難期其得力臣前所派  
回南募勇之候選知縣易佩紳等新募楚勇二  
千餘人由來鳳利川來蜀適值前由黔江敗竄  
之粵逆擾及咸豐來鳳各縣易佩紳遂率所部  
退扼龍山之茨巖塘堵其竄入湖南常德永順  
之路此軍暫難入蜀兵力實覺不敷臣前派留  
援鄂省之記名道劉嶽昭一軍業已攻克隨州  
湖北一律肅清伏乞

聖恩飭下湖廣督臣官文湖北撫臣李續宜即飭劉  
嶽昭率所部果後營迅速來川分撥剿辦庶期  
迅掃狂氛早安蜀境是否有當理合附片陳明  
伏祈

聖鑒施行謹

奏

李藍擾之甚、臣死於此役。



奏爲官軍剿辦畧坪股匪並追擊藍逆餘黨大獲  
勝仗殘匪併趨丹稜竄合眉州李逆巨股現籌  
進剿情形恭摺奏祈

聖鑒事竊臣前派各軍大破藍逆巨股於西山觀業  
將綿州解圍川北肅清及餘匪竄赴什邡之李  
家碾河坝子等處情形

奏報在案維時藍逆分派之僞統領李陳二逆目  
及謝逆婦一股約二萬餘衆盤踞羅江之畧坪  
場等處滋擾亦已數月藍逆旣敗此股勢不能  
支望風思竄已革副將唐友耕於八月十七日

督帶所部兵勇進紮羅江屬之二郎山十九日  
派五成隊分道進攻由大了口撲近花花場施  
放火箭將該處賊壘六座全行燒燬適羅江縣  
知縣馬傳業亦帶團勇趕到該逆於畧坪上下  
分爲兩隊意圖抄截官軍唐友耕督勇截殺并  
令遊擊白鳳鳴等率師由中路直撲賊營施放  
火箭火彈登時將畧坪一帶賊營燒燬淨盡逆  
匪紛紛四竄唐友耕等率勇追殺二十餘里計  
共斃賊四百餘名生擒十八名燒斃及墜巖死  
者甚多餘皆竄往綿竹會合藍逆餘黨並趨什

加之李家碾火燒堰河埧子等處兩股合并亦  
尙近三萬人就該處要隘濬壕築壘掘土熬硝  
伐木作械仍爲固拒之計楚軍果毅湘果護軍  
各營於二十四五日始由綿州先後拔發九月  
初一日均至什加縣會齊議於初三日分三路  
進剿是日黎明各營派隊前驅忽據探報該逆  
已於先夕聞風潛遁晝夜狂奔初五日已抵崇  
甯縣之花園場適值總兵黎得盛率師由溫江  
猝至探悉該逆正在造飯即出隊前往進攻該  
逆不敢拒敵盡由場後四散奔竄黎得盛督隊

跟追殺斃三四百名生擒六名餘黨均由宣家渡紫筏渡河分踞崇慶州之石羊場柳街子及李家橋馬祖寺范家橋一帶盡燬上下渡船意圖憑大河以自固藍湖鼎自率前隊踞相距三十餘里之太平場恣意焚掠初九日楚軍各營先後趕到湘果營統將提督銜建昌鎮總兵胡中和記各簡放總兵蕭慶高何勝必等搜索各處船隻結筏由宣家渡搶過河岸商派果毅營統將會傳理護軍營統將劉德謙各率所部先赴崇慶州爲迎頭截擊之計而黎得盛亦率所

部奇勝軍由古家渡進初十日黎明各出六成隊先後畢渡胡中和率劉景春等由柳街子進蕭慶高率蕭德經等由李家橋進何勝必率唐鳳輝等由馬祖寺進胡蕭兩軍旣至柳街子李家橋遙見樹叢中旂幟無幾迫之則疾去如飛胡中和等知其設伏誘我加意嚴防適黎得盛一軍自三岔口分路進擊由左路遠包而來賊無可遁當即搜殺三四百人何勝必一軍正在馬祖寺與賊接戰賊約三四千而伏叢林中者不可數計遂飛知胡中和等帶隊分兩路抄往

進攻鎗炮齊施逆眾紛紛倒地然尙抵死抗拒我軍如牆而進賊始敗奔遂乘勢將馬祖寺一帶賊匪全行剿滅而范家橋之賊拚命在橋口抵禦經唐鳳輝等飭各隊開放鎗炮連環轟擊斃賊雖多而勢不稍動胡中和率劉景春等由橋左踰溝而前蕭慶高率蕭德經等由橋右側越溪而進何勝必令各隊向橋前奮擊賊始大敗追及石羊場場前賊眾近萬捲地而來勢殊兇猛胡中和等擂鼓直進正鏖戰間場右五六十里有賊隊四五千向我軍後路抄來胡中和即分飭劉景春等率隊應敵而自督領親兵往夾策應藍潮柱正踞該場帶領黃旂賊目數百人親自督陣胡中和等開放劈山砲抬鎗小鎗更番迭進並將場口房屋燒燃賊遂奔潰我軍追殺過半其後面之賊知前隊已敗四散奔逃我軍分途追殺積屍滿地溪流數道皆赤追至八里外義和橋前阻大河擁擠落水溺斃者又二千餘人藍潮柱僅率五六十騎向河濱疾馳繞越石橋赴太平場一路而逃時逾申刻我軍遠離營盤二十餘里遂各收隊而還查點我軍陣

亡藍翎把總趙興貴一名各軍弁勇傷亡尙少  
 是役共計斃賊萬餘人陣斬偽將軍陳姓偽都  
 統陳姓偽千總魯停得等均於身邊搜出偽文  
 偽關防生擒逆賊喻完真等一千三百五十七  
 名髮深尺餘者居多訊明分別辦理奪獲騾馬  
 六百餘匹該逆率餘黨連夜繞向崇慶分州大  
 邑邛州一帶所存不過數千人眉州李逆遣其  
 黨何螞蟻子率眾萬餘前往迎至丹稜與眉州  
 巨股聲勢迺相犄角臣維川省逆賊李黨最多  
 而藍黨最悍李逆圍攻眉州爲日已久臣以全

存  
 以

軍專辦藍逆未及分軍進剿該逆勢燄日張遣  
 其黨王刀刀周躡子及曹張卯朱各逆目分擾  
 重慶資州瀘州所屬各縣蔓延殊廣茲幸藍逆  
 剿平殘匪併歸李逆一處亟宜迅籌圍剿逕搗  
 老巢以收聚殲之功將來巨寇旣平其餘小股  
 自不難一鼓殄滅臣頃調派川楚各軍直搗眉  
 州分撥勁旅周密布置先防其渡江東竄之路  
 一面移咨署提臣蔣玉龍分撥所統川軍專剿  
 丹稜以遏其西而飭楚軍由北路進兵以攻其  
 南期將該逆逼歸一處使成釜魚按獸以策全

功現據各軍稟報疊獲勝仗眉圍已解容將剿辦情形續即馳奏外謹先行具摺以慰

聖厪所有剿辦畧坪股匪追擊藍逆餘黨大獲勝仗餘逆竄各李逆巨股現籌圍剿情形理合會同二品頂戴署提督臣蔣玉龍恭摺由驛馳

奏伏祈

皇上聖鑒訓示施行謹

奏

再臣前奏請候選道員孫坦隨臣同赴四川軍

營差遣荷蒙

聖恩允准臣即傳諭該員欣然願從逮臣調集各軍

交卸撫篆剋日起程該員忽詣臣寓館託故不行查孫坦係例應迴避人員前署湘潭縣事交卸已久近復派往湘潭釐局爲日無多并無經手未完事件奉

旨逾月初無異詞及至料理行裝忽憚軍營辛苦多方支展不肯從行竊惟臣子之義東西南北自當以公事爲重豈得任意揀擇由其自便孫坦

馬文忠公奏和卷三  
意存規避擅違

諭旨實屬乖謬已極候選道員孫坦應請即行革職  
仍責令趕赴臣營効力自贖以爲巧於趨避者  
戒又湖南紳士候選州同鄒壽璋經臣札調隨  
征派管支應糧台事務臨將起程忽然託病倉  
卒乏員差遣實屬貽誤軍機候選州同鄒壽璋  
應請一併革職是否有當理合附片陳明伏乞  
聖鑒訓示施行謹

奏咸豐十年十一月初五日奉

硃批另有旨欽此十月二十二日奉

上諭駱秉章奏委員託故規避請卽行革職等語候  
選道孫坦業經該撫奏帶四川軍營差遣復又託  
故不肯從行顯係意存規避候選州同鄒壽璋係  
該撫派管糧台之員於起程時忽然托病以致倉  
卒乏員差委實屬貽誤軍行孫坦鄒壽璋均著卽  
行革職以示懲儆欽此

奏為恭謝

天恩仰祈

聖鑒事竊臣於十一月十七日准恭理喪儀王大臣

來咨

頒賞

遺念冠一頂天馬皮袍一件表一件玉搬指一件到臣

跪領之下哀感交縈伏念臣以菲材當

文宗顯皇帝御宇之初首膺

特簡由雲南藩司擢任湖南巡撫時值粵西逆匪歲擾

楚疆十載以來未獲趨詣

闕廷親聆

訓誨蟻忱徒結既隨日以俱深

龍馭遽升乃瞻

雲而莫逮方切填膺之慟忽蒙

遺念之頒感極涕零

恩深淚溢凜

天威之赫濯鰲戴時兢緬

帝德之宏深狐溫益感投籤惕惜陰之誠決矢思講武

之方臣仰沐

殊施如承

詔命睠懷

遺澤敬謹珍藏常顧諟而日凜

監臨矢靖共而時嚴對越雖捐糜頂踵莫酬

高厚之恩而憑藉

聲靈冀效涓埃之報所有微臣感激下忱謹繕摺叩謝

天恩伏祈

皇上聖鑒謹

奏

奏爲石逆竄至湖南沅州麻陽等處漸近川疆現

擬飛調勁旅預爲布置恭摺奏祈

聖鑒事竊臣於咸豐十一年十一月十二日承准議

政王軍機大臣字寄咸豐十一年十一月初二

日奉

上諭毛鴻賓奏石逆大股復從間道竄楚已闌入湖南臨口雙江等處石逆垂涎蜀省已久將來被剿窮蹙難保不意圖竄擾著賚秉章嚴飭邊界地方文武於各要隘嚴密防堵並勤加偵探相機籌辦毋稍疎忽等因欽此臣當即飛飭與湖南連界各

州縣確探嚴防去後茲據署西陽州知州王鱗  
飛稟報石逆擁眾四五萬由湖南靖州竄擾沅  
州麻陽逼近鎮筸一帶查西陽秀山界接貴州  
之松桃銅仁勢如唇齒亟應嚴防等情臣伏維  
石逆由粵入楚勢漸西趨其專意窺伺川疆已  
可概見惟蜀中藍逆巨股現雖剿洗殆盡而李  
逆尙踞青神且順慶東北各州縣尙有分股滋  
擾現在川楚各營正值攻勦得手萬難抽撥而  
石逆剽悍善戰倍於滇匪此次由楚注意窺川  
非厚集勁旅不能大挫兇鋒因查劉嶽昭一軍

現由湖北先撥五營前赴施南剿辦來鳳股匪  
該道親督四營暫駐宜昌候領月餉此軍久經  
行陳臣已飛檄劉嶽昭即日拔營並調合全隊  
馳赴夔萬確切偵探如石逆已竄逼西秀即由  
黔江趨赴迎剿倘石逆與來鳳之賊合股竄向  
利川即由萬縣進兵扼截惟劉嶽昭一軍四千  
餘人尙嫌單薄臣又飛咨署貴州巡撫提臣田  
興恕由黔撥兵合力堵擊仰懇

天恩勅下田興恕速派總兵沈宏富劉義方熊煥章  
酌帶得力兵勇五六千人馳赴松桃銅仁一帶

與劉嶽昭會合相機剿辦則兵力厚集該逆自  
不敢輕窺蜀境邊圉既固即與楚省前後夾擊  
倘該逆已逼西秀即飭會同楚軍跟踪追剿共  
殄逆氣以仰慰

朝廷西顧巖疆之至意所有石逆竄至沅州麻陽等  
處漸近川界現已飛調勁旅預爲布置情形理  
合恭摺由驛馳

奏伏乞

皇上聖鑒訓示謹

奏

奏爲遵

旨妥議通籌東南大局謹據現在情形恭摺由驛覆  
奏仰祈

聖鑒事竊臣於咸豐十一年十一月二十七日准議  
政王軍機大臣字寄咸豐十一年十一月十六  
日奉

上諭侍郎宋晉奏通籌東南大局情形請飭川楚江  
皖五省督撫會剿粵寇一摺據稱粵匪竄踞江甯  
瞬將十載蘇常等郡失陷後賊勢愈強兩江督臣  
曾國藩經營防剿與官文胡林翼會合以全力攻

復安慶惟所部不足二萬人餉糈又時不繼東援西剿兵力愈形單弱設賊更竄蔓上游則江浙被陷郡縣更難克復若合四川湖北湖南四川賊蹤五省歲入之數養能戰之兵勇十三萬人以七萬人分駐防剿以五萬人合湖北之水師大舉東征月需餉銀七十餘萬兩五省勻派尙各有餘餉足望兵增可期一勞永逸各等語逆匪以金陵爲巢穴蘇常等郡縣悉被竄踞安徽湖北湖南四川賊蹤四出防不勝防現在浙江紹郡又陷省城情形危急若不迅圖大舉掃穴擒渠籌餉籌兵迄無了局

該侍郎所籌會剿各情不爲無見著官文會國藩駱秉章李續宜毛鴻賓彭玉麟等將此摺所陳各情悉心妥議是否可以照辦之處迅速據實具奏該大臣等洞悉兵機諒必能通籌全局和衷商酌計出萬全也會國藩現在節制江浙軍務所有江南江北浙江等處餉糈並著通盤籌畫酌量分撥協濟各營以收飽騰之效原摺著抄給閱看將此由六百里各諭令知之欽此並准抄錄摺稿前來竊查侍郎臣宋晉原奏誠亦規復江浙之要圖惟於五省現在情形尙未周知熟慮即以四川

而論自滇匪肆擾以來本省兵力不給既借援  
於湖南湘果全軍仍虞單簿臣奉

命督師復益以果毅護軍等營合之川中兵勇爲數已

逾四萬綿州一戰大挫兇鋒於是藍逆全股十

六七萬之衆次第殄除賊勢既衰軍威亦振視

從前稍有起色然李逆巨股尙踞青神其餘零

匪此擊彼竄兼之南扼滇黔東防荆楚外寇窺

伺時議分防頃方催調果後營劉嶽昭一軍冀

其速來助剿早策蕩平今如宋晉所奏以二萬

人爲四川防剿之師若專以自固疆圉則現合

川楚兵勇爲數已逾其半方分布攻剿之不遑

何能遠圖江浙若於本省防剿現兵之外更增

二萬人以助東征之勢則川楚各軍月餉已逾

二十萬兩現在積欠乃近百萬庫儲罄竭已有

懸師待餉之虞如每月再籌東征之餉十餘萬

兩不惟公帑無可挹注民力豈復能堪川省如

此兩湖可知而江西之警報時聞安徽之瘡痍

殆遍更無論矣臣前在湖南巡撫任內曾與兩

江督臣曾國藩前湖北撫臣胡林翼屢商三省

合防之策既有成約而湖南旋有粵黔之擾湖

北旋有皖豫之防江西旋有浙閩之患臣三人

者非不同心而歲歲被兵力難相顧此策卒未

能成故必內顧無虞然後可規遠畧倘自謀之

不暇而必思外濟則根本先搖腹心內潰未有

能自立於不敝之地也臣渥受

朝廷厚恩涓埃未報坐視粵寇狂橫久爲天下大患

文宗顯皇帝宵旰憂勤幾歷年歲每一追念痛憤同深

豈敢畫疆自守置大局於不顧倘荷

天威遠播蜀難速平本境旣獲又安兵餉漸以充裕

則近規黔楚遠謀江浙皆屬臣分所應爲之事

計惟有殫竭愚慮選將厲兵與四省疆臣合力

申討規畫東南以仰副我

皇上廓清宇內之至意所有遵

旨妥議統籌東南大局謹據現在情形恭摺覆

奏伏祈

皇上聖鑒訓示謹

奏

奏爲官軍克復丹稜藍逆授首連旬跟蹤追剿餘  
黨疊獲大捷殘匪計日殄滅現籌逕搗青神謹  
將勦辦情形恭摺奏

聞仰祈

聖鑒事竊

臣

前於眉城解圍李逆敗竄青神而藍逆

餘黨尙踞丹稜川軍圍勦久未得手曾將飭派  
楚軍各營會同進勦大概情形

奏明在案

臣

查丹稜形勢四面依山樹林深密而

水田溝澮復縱橫錯出其間藍逆自綿州敗竄  
之餘衆不滿萬自踞此城後青神李逆派來賊

目何螞蟻子、李長毛等各擁悍黨二萬餘與之合併，賊勢復張。乃自踞城內而分布其黨於附城東南北三門外，依山爲營，到處設卡，長濠高壘，連營四十餘座，鹿角釘板環列數重，惟南門賊壘無多，而河溝數道限隔，該逆旣挾負嶠之勢，意圖併力以抗官兵。十月二十八九等日，楚軍果殺湘果護軍各營，先後由眉州拔營分駐丹稜東門之鐺罐窰、月溪寺東南之三合橋、撥股祠一帶，與城西北石橋子、醕美場各處川兵互相聯絡，築壘甫定，即約會川軍於初二日進

勦。是日辰刻，鄉團陸續奔赴，乃令前往誘賊出巢，而各軍列隊以俟。旋見團民紛紛退走，賊萬餘分數路跟追。距湘果左軍及護軍後旂營壘均祇里許，記名提督胡中和急率所部左軍由雷營觀音廟迎敵，提督銜記名總兵蕭慶高、何勝必隨率中右兩軍分由右路月溪寺馬道子抄出北門以襲其後。左軍先與賊遇，劉景春、李季昌、劉喜益、唐應聘等揮軍直進，殪其前鋒數十人。賊反奔，我軍隨後跟追。將至北門，賊忽蜂擁回撲。適蕭慶高赶到，飭令蕭德經、楊耀關、蕭

蕭長青曾克勝等橫出截擊何勝必亦督同唐鳳輝彭基品蕭友章廖連塋等從右路包抄而至鎗轟矛刺斃賊多名賊大奔潰紛退入壘我軍直逼壘下而西南兩門之賊復約萬餘由右路樹林抄襲前來胡中和急飭劉景春等分攻賊壘而伏唐鳳輝彭基品兩營於樹林中以防右路指揮甫定賊已掩至唐鳳輝等從旁截擊斃賊多人川軍陳天柱等復從右路抄至賊大駭潰各營遂併力圍攻批門各壘而護軍營補用知府劉德謙因賊逼近後旂營壘湘果營已

從山上撲出遂令蕭舉臣從山脚直上自督中營繼之並令姚美侖易榮華劉義成各率師從壘中分道進擊賊即退走時湘果劉喜益一營已撲近關爺廟賊死拒卡門以大砲衝擊被傷多人蕭舉臣急率周復勝從卡旁斜刺猛撲方期得手而壘中大股擁出蕭舉臣往來奮擊劉德謙督中營繼進鎗矛迭施姚美侖等亦從中路掩至併力衝突賊反奔入巢維時果毅營補用道曾傳理見賊撲近湘果護軍營壘各營已分數路而出隨令曾志友賀連級賀長春閻文

忠四營偃旂息鼓從左路王溝吳溝山脊逕出南門老君山以襲其虛以丁九祥熊英豪兩營循右路山脚逶連護軍以爲後應行至半途遙見山下之賊已被湘果護軍擊敗紛紛竄走遂由觀音寺分道下山橫截而出賊大驚潰競奔入壘我軍分途追殺直逼賊營時壘外之賊皆退踞壘中楚軍分道圍攻鎗炮連環迭擊斃賊無算而賊終恃其地險卡固見我軍逼近營壘即將壘中蓆草各棚扯落頃刻皆盡投以火箭噴筒皆不得着卡門一線之外非水田即高塹

不能飛越我軍奮勇衝擊數十次賊紛下炮石傷亡弁勇多人卒不能拔日已昏暮始各收隊還營是日署提臣蔣玉龍一軍亦同時出隊甫進三四里即遇賊數千由張安子山梁撲至王定國率隊衝擊陳天柱等從右夾攻賊敗走各軍跟追逕搗賊營而西南兩門之賊約萬餘復分股抄來陳天柱等賈勇直前劉文明余占鰲董上陞楊發祥白鳳鳴劉鶴齡等軍亦自右路板橋子掩至少頃楚軍唐鳳輝彭基品兩營復自樹林抄出前後夾擊鎗矛並施殲賊二百餘

逆黨紛竄入壘蔣玉龍令各軍分道跟追直抵西門城卡而南門之賊復出黎鴻鈞急率隊從旁截出施放鎗炮轟斃多名賊復竄入西門賊壘阻卡以拒我軍猛撲十餘次皆不得前瞬息向暮遂亦收隊還營此初二日川楚各軍攻勦之實在情形也次日各軍會商以該逆恃險抗拒不迅圖撲滅恐日久變生復虞青神之襲我後乃激勵將士復約期初四日黎明分道進攻屆期大霧迷漫咫尺莫辨辰後霧散始出師仍依舊路而進湘果營行近賊卡遙望若無動息

知必有伏卽令唐鳳輝彭基品劉喜益李季昌蕭德經蕭長青等率所部逕前撲卡餘皆伏於山後樹林將出奇以勝之分撥已定唐鳳輝等率隊逕進壘賊皆出東北門山谷中伏賊皆起分數路抄至唐鳳輝等率勇佯退賊跟踪而來蕭慶高急率楊耀關曾克勝從山後突起唐鳳輝等亦回旂轉戰鎗矛並舉賊猶屹立不動適何勝必督同蕭友章廖連莖由右路抄出胡中和督同唐應聘劉景春由左路抄出各將振臂一呼士卒勇氣百倍縱橫包截賊大敗紛逃我

軍隨之賊復斷卡以拒各弁勇冒死衝突直逼卡門鎗矛迭施賊不能敵遂奪卡斬其悍黨百餘名餘賊皆伏壘中不出我軍乘勢急攻賊仍撤去棚蓆壘中空無一物火具皆不得燃我軍屢次進撲賊皆堅伏牆內炮石紛投傷我軍數百人而果毅護軍分由東南兩門前進均阻於重卡鎗炮對擊互有損傷各軍力攻數時計窮力盡竟不能拔一壘維時署提臣蔣玉龍分飭陳天柱等督率各營三路進攻該逆即由左路抄出黎鴻鈞徑前衝擊賊亦猛撲前來轉戰多時適陳天柱馬順黃占先由右路潛至突出攻擊徐登雲射斃紅衣賊目一名賊陣亂各軍奮勇衝殺正期乘勢跟追而大股復從西南兩門撲出分作數股包抄而來勢甚兇悍陳天柱黃占先急策馬衝入賊陣余占鰲劉文明白鳳鳴繼之正鏖戰間署提臣蔣玉龍亦督隊由左路山後抄出親身督戰士卒奮勇直前賊勢不支遂大敗奔入各壘我軍追至壘下攻擊逾時皆以地勢不能卒拔遂與楚軍彼此知會整隊而還此初四日川楚各軍攻勦之實在情形也臣

收取  
法

維該逆懲於綿州之敗，堅壁固壘，并力抗拒。僅以力取，則傷人必多，必須步步爲營，長濠深塹，次第設圍。先於該城各門要道分軍扼駐，而時出遊騎，絕其攜糧之路。由是層層逼緊，坐而困之，可圖盡殲。當經分飭楚軍各營，並飛咨署提臣蔣玉龍轉飭所部一體妥籌辦理。復嚴檄申明號令，如賊從何路竄走，卽惟該路駐守將弁是問。初八九日，川楚各營陸續進逼，距賊均不過四五里。十一日移營既定，卽各興工掘長濠，設木城爲坐困之計。該逆因官軍連日攻勦，所

喪僞統領先鋒以下悍目不下數十百人，心胆皆落。復見官軍列長圍四面逼進，益驚懼思竄。是夜三鼓，逆首藍潮柱率悍黨先行，訾洪發、李長毛、謝寡婦等繼之。僞元帥藍潮鼎自帶精悍老賊斷後，由西門石橋子驪子坡兩路竄出。攻撲游擊柏昌懷營壘，將取道蒲圻入川西爲萬死一生之計。四鼓後各軍見丹稜城內火光四起，知賊已夜遁，急飛函知會各派隊募食以待。黎明各軍分路跟追，蔣玉龍督飭所部分由楓香坪、龍骨場等處直趨麻柳鋪，迎頭截擊而自

率劉文明等營由一碗水前進以為後應辰後  
 馳抵麻柳溝正遇藍潮鼎後隊賊見我兵追及  
 即分路回撲我軍奮勇衝殺鎗矛迭施賊死拒  
 不退適陳天枉黎鴻鈞黃占先等由楓香坪追  
 至王定國馬德勳潘治平鄢忠玉周高發徐步  
 雲胡飛熊萬正心溫良馬順等各率所部陸續  
 趕到四面包截該逆即上山扼險死拒我軍奮  
 力衝擊而山勢峻削未易仰攻正相持間適湘  
 果軍胡中和蕭慶高何勝必追至見賊眾盡踞  
 山上層層密布逆首藍潮鼎自踞山頂搖旗指

揮胡中和等恐該逆之得脫也急飭各營分道  
 槍上山前而自率親兵繞出山後將以掩其不  
 備並會合川軍四面攻剿分撥已定各弁勇同  
 聲一呼數道並進賊據半山以拒砲石紛下如  
 雨各勇冒死衝突槍上山腰鎗矛排列而進賊  
 不能支紛紛敗退旋見逆首藍潮鼎率百餘人  
 自山頂馳下往來策應諸逆黨皆合力回撲愈  
 擊愈前勢幾不敵幸胡中和等已自後路登山  
 大呼掩擊賊方驚顧各弁勇乘勢急攻賊大亂  
 悉往山谷覓路奔逃藍潮鼎急率數十騎取道

此盜匪賊死  
却拉賊匪  
謝寡婦諸逆  
已竄滿江趨崇慶  
尚不下二萬餘眾  
若不併力追剿  
復恐滋蔓難  
圖當經飛咨署提  
臣蔣玉龍督飭  
全部回紮思

下山我軍追至，鎗中其額墜馬，諸勇叢矛鑽刺斃之。溝下餘賊大潰，川楚各軍數道追擊，殺斃四五千，人撲巖跌澗者不計其數。餘黨翻山奪路而走，我軍跟踪躡剿，直追至一把傘地方，沿途斬馘又千餘人，生擒解散無算。此十二日川楚各軍克復丹稜，追賊大捷。藍逆伏誅之實在情形也。臣以藍潮鼎一股雖已就殲，而藍潮柱、訾洪發、李長毛、謝寡婦諸逆已竄滿江，趨崇慶，尚不下二萬餘眾。若不併力追剿，復恐滋蔓難圖。當經飛咨署提臣蔣玉龍督飭全部回紮思

濛場蓮花場等處，與唐友耕一軍聯屬。專顧青神李逆一股，而飛檄果毅營由彭山新津逕出，溫郛檄飭護軍營會同湘果九營由新都繞出，彭縣迎頭截擊，冀圖悉數殲除。維時逆賊已自蒲江竄至雙流縣之彭家場，郫縣之三道堰，十八日遂已至彭縣所屬之蒙陽場。該場為古蒙陽縣城，地處適中，距彭縣漢州新都新繁均四十里，烟火繁盛，賊悉屯踞於此。十九日果毅營曾傳理率所部首先追及，即飭各營分三路進剿，而以閻文忠一營伏場左策，應我兵始分賊

萬餘已自東南場口撲出扼橋以待而分股由場西出左路以抄我後各營奮勇並進直撲橋上賊以鎗砲對擊死拒不退藍翎把總張三湘揮矛直入身中數鎗登時陣亡曾志友賀連級急率所部由場右繞入策馬陷陣士卒大呼繼之賊陣亂賀長春熊英豪等乘勢急攻鎗矛齊舉直逼過橋賊大潰均奔入場而場西之賊約數千方自左路樹林抄出適遇閻文忠一軍趕到揮戈直前斃其前鋒十餘人賊反走我軍分頭並進賊皆逼入場內我軍隨之縱火焚場東南兩門皆火起烟燄漲天賊大亂悉奔場西我軍斷門截殺賊不得出皆冒火死命衝突或洞屋瓦自投而下我軍且縱且殺環場數里伏屍枕藉生擒解散無算其自相踐踏及被焚而死者尤不可以數計而逆首藍潮柱訾洪發李長毛等見事急即率數十騎并其死黨數千人從場北衝出餘匪亦陸續奔逃適遇護軍蕭舉臣沈玉遂兩營及湘果營唐鳳輝劉喜益彭基品廖連堃曾克勝等五軍從新都軍屯鎮追至橫截而出併力攻擊斃賊數百名賊奪路狂奔各

軍分道躡擊果毅營亦隨後趕到縱橫包抄斬  
 殺多人時已昏黑賊眾四散奔竄藍潮柱率眾  
 竄而北訾洪發李長毛等竄而西所存均不過  
 三四千人輜重拋棄殆盡此十九日楚軍追剿  
 大勝之實在情形也先是湘果各軍由蒲江跟  
 剿行抵新津忽聞青神李逆有回竄彭眉之耗  
 遂分李季昌楊耀關蕭友章三營並各營之半  
 留蕭慶高何勝必督之以防新津而胡中和督  
 餘營追剿途次聞賊已至蒙陽場計其必由漢  
 州之高平鋪竄走乃由雙流馳至新都與護軍

李昌高  
 制

外山  
 卷八

劉德謙會合議分湘果唐鳳輝五營及護軍沈  
 玉遂兩營由新都以出蒙陽而自督劉景春蕭  
 德經唐應聘蕭長青四營並護軍姚美倫易榮  
 華劉義成三營逕出漢州扼高平鋪為迎頭截  
 擊之計十九日行抵高平鋪次日黎明逆首藍  
 潮柱已率眾膺至胡中和即督各營分途迎擊  
 蕭德經等首先陷陣鎗轟矛擊斃賊數百名姚  
 美倫等復率隊踵至賊狂奔我軍跟追四十餘  
 里至德陽縣之孝泉場該逆喘息甫定正在造  
 飯我軍數路追至一擁而入賊即從場後奔出

我軍且追且殺沿途斬馘千餘次日又及之於安縣黃土場時賊眾已不滿千人鎗砲俱失然皆悍賊死黨見我軍追至均持刀矛從場中大呼撲出護軍營姚美命周學芳逕衝賊陣斃賊數名賊環刺周學芳身受數創登時陣亡姚美命戰馬亦被戮倒賊進撲益厲適胡中和督率各營陸續趕到奮勇衝殺鎗砲環擊賊遂不支而潰我軍分道追殺斃賊數百名藍潮柱僅率三百餘人乘間逸出星夜竄入平武江油交界之太華山一帶此楚軍追剿藍逆一股連日大

和校入平武  
江油

捷之實在情形也其訾洪發李長毛一股自崇陽場擊敗之後率其黨數千人卽於是夜竄由漢州之馬脚井什邡之李家碾以出綿安冀與藍逆合併經湘果唐鳳輝等五營跟踪追擊果毅營曾傅理自督全部護軍營劉德謙自督沈玉遂蕭舉臣兩營由德陽羅江迎剿二十五日遂及之於安縣之塔水橋時唐鳳輝五營已馳抵笮箕灘胡中和等營亦回軍扼花街子賊遂不敢北走綿竹逕率黨回竄羅江適遇果毅護軍迎頭截出閻文忠策馬陷陣會志友賀連級

賀長春熊英豪沈玉遂蕭舉臣等分作數道橫貫而入賊無走路悉數渡河我軍數路跟追斬殺千餘死於河者無數餘黨從左路翻山而去是夜探悉賊已竄至中江之慧覺鋪所存不過二千餘人計必由中江走太和鎮遂甯縣渡河以合川東周朱另股維時楚軍畢會於金山鋪經胡中和會傳理劉德謙等聚商以藍訾既已分竄我軍亦必分追議以胡中和率湘果各營出綿州以剿藍逆餘匪以果毅營出潼川趨遂甯扼訾逆一股東渡而護軍全部由中江一路

跟剿籌商既定各軍分路開行沿途探悉訾逆已由慧覺鋪走鏤金橋回水鋪竄至羅板橋一帶皆從山路行走晝夜奔逃護軍倍道跟追於二十九日馳抵白店子距賊僅十餘里該逆見官軍追近挑選悍黨於四鼓後潛襲我營適我軍早已探悉劉德謙卽飭姚美倫劉義成易榮華等整隊以俟而自率蕭舉臣沈玉遂自右路抄擊以截其去路黎明賊蜂擁來撲見我軍有備隨復引退姚美倫等揮軍向魯班橋掩殺斃賊數十名迫至秋溝賊分立山谷拚死力拒適

此言漢賊之志也  
毛入道(宣)口

劉德謙自右路沿山抄進賊無走路姚美倫沈  
玉遂等奮力衝擊陣斬李偽統領生擒偽參謀  
楊潮得斃賊約千名餘皆翻越山嶺而遁我軍  
追剿七千餘里到廣福堰始行收隊而殘黨千  
餘已星夜由胖子店竄入遂甯境內適果毅營  
已自太和鎮至遂甯縣該逆復不敢東渡遂由  
安岳內江一帶竄走此楚軍追剿訾洪發李長  
毛一股連日大捷之實在情形也臣查該逆分  
股各竄所存均屬無多原擬飭令各營乘勢窮  
追以期盡數撲滅惟查李逆巨股尚踞青神內

乏食而外無援刻思乘虛竄出雖有署提臣蔣

玉龍一軍及唐友耕黎得盛等營駐守而兵力

終虞單薄仍須加調楚軍以爲合力圍攻之舉

現探藍逆餘匪經彰明江油石泉等縣團練陸

續搜斬所存祇二百餘人已遁入金光洞砂窩

子萬山積雪之中經臣檄飭各縣派團搜剿勿

使一名漏網而訾逆殘匪千餘晝夜狂奔已至

富順隆昌等縣境軍械全無亦經臣檄飭該處

團紳蕭鏞耿光祺等督團洗剿計日可期就殲

臣現飛檄湘果營由綿州回軍逕駐青神城南

此言入金走口  
破山子

此言入金走口

之劉家場以扼李逆下竄而飭果毅護軍分由  
遂甯安岳取道資陽并研一帶一面兼剿訾逆  
餘匪俟殄除淨盡即由河東以赴青神務將李  
逆一股併力殲除以紓

聖厪伏查藍逆一股前在綿州聚至十六七萬偽元  
帥藍潮鼎剽悍善戰實爲諸賊之雄仰賴


皇上天威將士用命併力攻擊更番躡剿追逐既逾  
三旬奔馳往返近二千里卒能剪此渠魁力殲  
羣醜實屬著有微勞相應籲乞



恩獎以勵士心所有官軍克復丹稜殲除首逆並追  
剿餘黨叠獲大捷緣由理合恭摺由驛馳

奏伏祈

皇聖鑒訓示施行謹

奏





馬文忠公奏和卷三

三



1973年1月12日

